

2021-2022

Starfsáætlun Krakkalands – frístundaheimili Snælandsskóla



Marianna Guðbergsdóttir

Kópavogsbær

2021-2022

Efnisyfirlit

Inngangur	2
Hagnýtar upplýsingar	2
Gjaldskrá og innheimta	4
Gjaldskrá	4
Innheimtuferli	4
Daglegt starf veturinn 2021- 2022	4
Áherslur í starfi.....	4
Húsnæði	5
Dagskipulag í Krakkalandi	5
Siðdegishressing.....	6
Klúbbastarf og Fagraland	6
Samstarf við skólann	7
Samstarf við íþróttafélög	8
Skólabragur í Krakkalandi.....	8
Einelti	8
Barnalýðræði.....	9
Samstarf við foreldra	9
Öryggi og verkferlar	9
Innra og ytra mat	11
Innra mat.....	11
Ytra mat.....	11
Símenntunaráætlun	12
Yfirlit yfir viðburði á skólaárinu	12

Inngangur

Í þessari starfsáætlun er gert grein fyrir starfssemi Krakkalands, frístundaheimilis Snælandsskóla, í Kópavogi. Hlutverk Krakkalands er að bjóða upp á innihaldsríkt frístundastarf fyrir börn í 1.- 4. bekk skólans. Frístundaheimili eru hluti af starfi grunnskólanna og starfa á grundvelli 33. greinar grunnskólalaga (91/2008). Í daglegu starfi frístundaheimila er lögð áhersla á frjálsan leik og óformlegt nám með virkri þátttöku í frístundastarfi í öruggu umhverfi. Börnin fá tækifæri til að takast á við verkefni sem hæfa aldri þeirra og þroska. Áhersla er lögð á að flétta grunnþætti menntunar, sem eru *læsi, sjálfbærni, heilbrigði og velferð, lýðræði og mannréttindi, jafnrétti og sköpun*, inn í daglegt starf. Öll börn, óháð getu, þroska eða fötlun skulu eiga kost á að taka þátt í því starfi sem þar fer fram á sínum forsendum. Skipulag frístundar miðast við aldur og þroska barna frá 1.– 4. bekk og skulu skólar gera ráðstafanir til að hvetja alla árganga til þátttöku. Samvinna frístundastarfs við íþrótt- og tómstundafélög og leikskóla miðar að því að gera vinnudag barnanna heildstæðan. Starfsfólk frístundaheimila skal koma fram við börnin af virðingu og hlýju.

Skólastjórar eru yfirmenn frístundastarfs í skólunum og bera ábyrgð á faglegu starfi og á að framkvæmd þess sé í samræmi við stefnu bæjarins í málaflokknum. Skólastjóri sér um að ráða forstöðumann sem ber ábyrgð á að skipuleggja og stjórna daglegu starfi. Forstöðumaður getur óskað eftir ráðgjöf frá sérmenntuðum ráðgjafa á sviði tómstundamála.

Á skólaárinu 2021 - 2022 er starfsáætlun fyrir frístund birt í sjötta sinn. Forstöðumaður sér um að skrifa og uppfæra starfsáætlunina fyrir frístundaheimilið árlega. Starfsáætlun er kynnt og samþykkt í skólaráði í byrjun skólaárs og skilað til menntaráðs fyrir 1. október ár hvert. Starfsáætlun birtist jafnframt á heimasíðu skólans og er upplýsinga- og kynningarit fyrir foreldra, starfsmenn og aðra þá er starfið varðar.

Hagnýtar upplýsingar

Frístundaheimili Snælandsskóla heitir Krakkaland og er staðsett í Fagralundi skólaárið 2021-202s. Börnin völdu sjálf nafn á frístundina sína haustið 2015 og héldu kosningar í kjölfarið þar sem Krakkaland fékk flest atkvæði. Í Krakkalandi eru skráð u.þ.b. 100 börn úr 1. og 2.bekk og auk þess eru 50 börn skráð í frístund í Fagralandi (3. og 4. bekkjarstarf) þetta skólaár.

Fjöldi barna eftir aldri

1.bekkur: 41

2.bekkur: 57

3.bekkur: 44

4.bekkur: 6

Samtals: 148

Forstöðukona Krakkalands er Maríanna Guðbergsdóttir og er hún með B.A. gráðu í uppeldis- og menntunarfræði og M.A. gráðu í kynjafræði. Hægt er að ná sambandi við Maríönnu í tölvupósti mariannag@kopavogur.is eða í síma 441 4232. Aðstoðarforstöðukona Krakkalands er Anna Karen Ágústsdóttir og hefur hún yfirumsjón með starfsemi Fagralands, 3.og4. bekkjarstarf. Hægt er að hafa samband við Önnu Kareni í tölvupósti annakar@kopavogur.is.

Opnunartími

Krakkaland er opið frá 12:40/13:20 til 17:00 alla kennsludaga, flesta starfsdaga, á foreldraviðtalsdögum skólans og í jóla- og páskafríi. Lokað er á skólasetningardegi og auk þess er einn starfsdagur á önn, þar sem

starfsfólk frístundaheimilisins undirbýr starfið. Lokað er í vetrafríi og á Þorláksmessu. Á blaðsíðu 13 má sjá yfirlit yfir opnunardaga í Krakkalandi.

Opnun í jóla- og páskafríum og í skólaslitaviku

Á skólaárinu 2021-2022 verður boðið upp á opnun í jóla- og páskafríi í sjötta sinn. Krakkaland verður opið í jólafríi skólans fram að Þorláksmessu og á virkum dögum í Dymbilvikunni. Þar að auki er opið á virkum dögum í vikunni sem skólaslit fara fram til að brúa bilið þar til sumarnámskeið hefjast. Frístundaheimili eru lokað á Þorláksmessu, aðfangadag og gamlársgang.

Opnunartími í jóla- og páskaopnun er frá kl. 8:00 til 16:00. Börnin hafa með sér þrjú nesti, fyrir morgunhressingu, hádegismat og síðdegishressingu. Lágmarksfjöldi skráðra barna hvern dag er 8 börn. Ef opnunartími skerðist vegna takmarkaðrar skráningar verður það tilkynnt þegar skráning liggur fyrir. Sækja þarf sérstaklega um dvöl fyrir viðkomandi daga inn á þjónustugátt og greitt er sérstaklega fyrir þessa daga.

Forföll og tilkynningar

Forföll og aðrar upplýsingar þarf að tilkynna fyrir kl. 12 hvern dag á netfangið krakkaland@kopavogur.is eða í síma 441 4232. Einungis er í boði að hringja í okkur eftir klukkan 13:00 ef um neyðartilvik er að ræða. Foreldrar sækja ýmist börn sín eða geta leyft þeim að labba heim á ákveðnum tímum. Mikilvægt er að starfsfólk hafi skýrar upplýsingar varðandi heimferðir barnanna og að þær berist á réttum tíma.

Listi yfir starfsfólk Krakkalands 2021-2022

Ana Maria Iriarte Paredes	Frístundaleiðbeinandi
Anna Mae Cathart-Jones	Frístundaleiðbeinandi (þrið- fim-fös)
Anna Karen Ágústsdóttir	Aðstoðarforstöðukona
Guðrún Lilja Ingvarsdóttir	Frístundaleiðbeinandi
Hekla Maídis Sigurðardóttir	Frístundaleiðbeinandi
Hekla Guðrún Þorkelsdóttir	Frístundaleiðbeinandi
Inga Rannveig Jóhannsdóttir	Frístundaleiðbeinandi
Krystyna Gorzkowsja	Frístundaleiðbeinandi
Magnús Kjartansson	Frístundaleiðbeinandi
Maríanna Guðbergsdóttir	Forstöðukona
Renata Meke	Frístundaleiðbeinandi
Sunna Björk Benónýsdóttir	Frístundaleiðbeinandi
Svala Björgvinsdóttir	Frístundaleiðbeinandi

Gjaldskrá og innheimta

Gjaldskrá

Skráning í Krakkaland fer fram á netinu, í gegnum þjónustugátt Kópavogsbæjar. Hægt er að velja hálfa og heila tíma. Viðkomandi þarf að vera með íslykil eða rafræn skilríki til að geta skráð sig inn í þjónustugáttina.

<https://ibuagatt.kopavogur.is/login.aspx?ReturnUrl=%2fdefault.aspx>

Umsóknir og breytingar taka gildi um leið og forstöðumaður frístundar hefur samþykkt þær. Kerfið reiknar strax út breytingar varðandi gjöld. Afsláttur er veittur einstæðum foreldrum, öryrkjum (75% örorka eða meira) og námsmönnum (báðir foreldrar í námi). Afsláttur er ekki veittur afturvirk.

Gjaldskrá má finna á heimasíðu Kópavogsbæjar <http://www.kopavogur.is/is/gjaldskra>

Innheimtuferli

Innheimta dvalar- og matargjalda fyrir frístund fer fram hjá innheimtudeild Kópavogsbæjar og fer fram samkvæmt innheimtureglum Kópavogsbæjar. Skóli kemur óformlega að innheimtu og sér um að segja upp vist/áskrift ef ekki er gengið frá greiðslu eftir ákveðinn tíma.

1. hvers mánaðar er gjalddagi. Gjöld í frístund eru innheimt fyrirfram.

10. hvers mánaðar er eindagi.

12. hvers mánaðar sendir innheimtudeild út stöðu vanskila. Skal frístund veita óformlega áminningu hafi skuld ekki verið greidd (t.d. símtal eða tölvupóstur) áður en formlegt ferli af hálfu bæjarins fer af stað.

20. hvers mánaðar hefst formlegt ferli af hálfu bæjarins, þá er send ítrekun frá banka hafi skuld ekki verið greidd.

10. næsta mánaðar fer krafa í milliinnheimtu til Inkasso hafi skuld ekki verið greidd og er þá úr höndum bæjarins. Sjá nánar ferli mála í milliinnheimtu og löginheimtu í innheimtureglum Kópavogsbæjar.

Ef skuld hefur ekki verið greidd **að tveim mánuðum liðnum** skal skólinn segja vist barns/mataráskrift upp frá og með næstu mánaðarmótum þar á eftir.

Daglegt starf veturinn 2021-2022

Áherslur í starfi

Hlutverk frístundaheimila er að bjóða upp á innihaldsrík frístundastarf fyrir öll börn á yngsta stigi grunnskóla sem einkennist af frjálsum leik og vali. Þannig aðstoða þau fjölskyldur við að sameina fjölskyldu- og atvinnulíf og gefa börnunum kost á auknu sjálfstæði innan vissra marka og skapa eigin menntaferla. Áhersla er lögð á að byggja upp barnamiðað starf þar sem öll börn geta fundið verkefni og leik eftir sínum áhugamálum, fengið að prófa fjölbreytt tómstundastarf og þróa þannig persónuleika sinn í gegnum leik og skapandi starf.

Húsnæði

Haustið 2020 fluttist Krakkaland alfarið yfir í fundar- og veislusal í húsnæði Fagralunds og fer þar daglegt starf fram. 3. og 4. bekkjar starfið hefur frá ágúst 2017 verið í öðrum fundarsal í Fagralundi sem heitir Fagraland. Þar er boðið upp á frjálsan leik, skapandi starf og klúbbastarf. Auk þess nýtir Krakkaland eftirtaldar stofur í skólanum fyrir hópa- og klúbbastarf:

- Tónmenntarstofu
- Bókasafn
- Gamla íþróttasalinn
- Tölvustofu

Dagskipulag í Krakkalandi

Krakkaland opnar um leið og kennslu lýkur hjá yngsta stigi skólans. Stundatöflur í 1. og 2. bekk eru hannaðar þannig að einn árgangur er alltaf í umsjón Krakkalands frá kl. 12:40 á meðan hinn árgangurinn er í skólanum til kl. 14. Þegar börn eru í Krakkaland á þessum tíma, kallast það Gæðastund (sjá nánar í kafla Gæðastund). Þar fá þau að leika sér bæði öll saman í skipulögðum hópleikjum og verkefnum en einnig frjálst þar til síðdegishressing tekur við. Árgangur sem er í kennslu til 14 fer beint í hressingu og svo er útivera fyrir öll börn. Að því loknu, eða rúmlega kl 14:40 hefst hópastarf þar sem börnin geta skráð sig í þá hópa sem eru í boði. Hópastarfi lýkur kl. 16:00 og þá sameinast börnin og starfsfólk í Krakkalandi þar til þau eru sótt.

Skráningatafla

Á töflu í anddyri Krakkalands fer fram skráning í val og hópastarf auk þess sem þar eru skráðar allar rútur og æfingar sem börnin sækja. Sambærilega töflu er einnig að finna í Fagralandi. Taflan einfaldar foreldrum, börnunum og starfsmönnum að sjá hvar barnið er á hverjum tíma um leið og börnin læra að taka ábyrgð. Lögð er áhersla á að kenna börnunum að halda sjálf utan um eigin skráningu. Áhersla er lögð á að börnin fái tækifæri til að velja sjálf hvað þau gera á hverjum degi. Með fjölbreyttu starfi og möguleika á sjálfskráningu læra börnin að bera ábyrgð á vali sínu. Kerfið er krefjandi bæði fyrir starfsmenn og börn. Starfsmenn þurfa að halda vel utan um skráninguna, minna börnin á að skrá sig rétt og aðstoða foreldra og forráðamenn við að finna börnin sín. Mikilvægt er að börnin læri að nota töfluna rétt og virða mikilvægi hennar.

Síðdegishressing

Dæmi um matseðil:

Matseðill vikunnar 28.sept-2.okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með skinku	Flatkökur með kæfu	Hrökkkex með smjöri og osti	Brauð með smurosti	Kanilsnúðar
Gulrætur	Epli	Banani	Pera	Melóna
Matseðill vikunnar 5.-9. okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með pepperoni	Hrökkkex með smjöri og osti	Brauð með mysing	Flatkökur með hangikjöti	Tebollur
Epli	Banani	Gúrka	Melóna	Mangó
Matseðill vikunnar 12.-16.okt				
Mánudagur	Þriðjudagur	Miðvikudagur	Fimmtudagur	Föstudagur
Brauð með kaviar	Hrökkkex með smurosti	Skonsur með smjöri og osti	Brauð með spægipylsu	Pizzasnúðar
Gúrka	Banani	Epli	Konfekt tómatar	Melóna

1.og2.bekkur borðar síðdegishressingu í Krakkalandi og eftir hana er útivera á meðan starfsfólk gengur frá eftir hressinguna. Ávaxtabitar og afgangar eru gjarnan í boði seinni part dagsins, milli 15:30 og 15:45. Síðdegishressing fyrir börn í 3. og 4. bekk fer fram í Fagralandi og stendur yfir frá kl. 13:30.

Klúbbastarf og Fagraland

Fagraland er frístund fyrir börn í 3. og 4. bekk. Klúbbastarf er í boði fyrir börn í 3. og 4. bekk. Markmiðið er að bjóða upp á fjölbreytt starf fyrir þennan aldurshóp til að koma til móts við þeirra þarfir. Frístundaleiðbeinendur halda utan um starfið.

Hér að neðan má sjá yfirlit yfir klúbbastarfið á haustönn 2021. Skipulagið er endurskoðað um áramót og breytingar gerðar í samráði við börnin.

Mánudagar	Þriðjudagar	Miðvikudagar	Fimmtudagar	Föstudagar
Barnaráð Krakkaland: Anna Mae Íþróttahópur: Starfsfólk	Bókasafn Krakkaland: Renata Sögustund: Starfsfólk	Tölvuhópur 3.&4.B: Hekla Maídís Tölvuhópur 2.B: Hekla Maídís Bíó: Starfsfólk	Tölvuhópur 3.&4.B: Magnús Tölvuhópur 2.B: Magnús Barnaráð Fagraland: Anna Mae	Spilaklúbbur Fagraland: Starfsfólk

Ath. Með fyrirvara um breytingar. Klúbba- og hópastarfið er í stöðugri þróun.

Samstarf við skólann

Gott samstarf milli skóla og frístundaheimilis er lykilatriði í því að styðja sem best við þroska og líðan barna í skólanum. Lagagrein í grunnskólalögum um frístundastarf (gr. 33a, 91/2008) gerir ráð fyrir að skóla- og frístundastarf sé samþætt með það að markmiði að bjóða upp á heilstæðan skóladag fyrir börnin. Snælandsskóli er með þróunarverkefni um slíkt samstarf milli skóla og frístundar sem heitir Gæðastund. Auk þess er lögð áhersla á gott upplýsingaflæði á milli Krakkalands og kennara skólans. Forstöðumaður Krakkalands sækir alla starfsmanna-, deilda- og kennarafundi og situr teymisfundi vegna barna með sérþarfir.

Gæðastund

Gæðastund er verkefni í Snælandsskóla þar sem börn í fyrsta og öðrum bekk fá uppbrot frá hefðbundnum skóladegi einu sinni í viku í umsjón frístundaleiðbeinenda Krakkalands. Verkefnið er hluti af hefðbundnum skóladegi og hófst haustið 2014. Markmið verkefnisins er að auka samstarf skólans og frístundar, efla félagsfærni barnanna og gefa frístundaleiðbeinendum kost á því að kynnast börnunum betur í litlum hópum.

Gæðastund á sér stað í rými Krakkalands, Fagralands, íþróttasal Fagralands og í gamla íþróttasal skólans. Í gæðastund er farið í leiki og unnin verkefni sem efla félagsfærni og samvinnu barnanna. Eftir samverustund fá þau einnig tækifæri að leika sér frjálst með vinum sínum. Á meðan hópleikir efla félagsfærni þeirra og styrkja samvinnu í bekknum, fá börn með stjórn á frjálsum leik hlut af Gæðastundinni sjálf. Einnig gefur frjáls leikur frístundaleiðbeinendum kost á að fá innsýn í hugarheim barnanna og vinatengls þeirra á milli.

Skólaárið 2021-2022 er Gæðastund haldin þriðjudaga og miðvikudaga frá 12:40 - 13:20. 1. bekkur mætir á þriðjudögum en 2. bekkur er á miðvikudögum. Klukkan 13.20 fá börnin að leika sér áfram eða skipulagt hópastarf er þangað til síðdegishressing byrjar kl 14.



Samstarf við íþróttafélög

Krakkaland er í samstarfi við íþróttafélög Kópavogs. Samstarfið felst í því að börnin eru send í rútur á æfingar. Allar rútur leggja af stað frá Fagralundi. Starfsfólk Krakkalands sér til þess að börnin leggja tímanlega af stað og fari örugglega með rútunni. Einnig eru börnin send á æfingar í nágrenninu.

Því miður geta krakkarnir ekki skipt um föt í skólanum fyrir æfingar. Best er ef krakkarnir mæta í fötum sem þeir geta síðan æft í svo þeir þurfi aðeins skipta um skó áður en farið er á æfingu. Mikilvægt er að forráðafólk skrái íþróttir barna sinna í Völuna ef óskað er eftir því að barn sé sent í rútú. Þar þurfa að koma fram upplýsingar um íþróttagrein, tíma og hvort/hvaða rútú barnið á að taka.

Skólabragur í Krakkalandi

Krakkaland er staður fyrir börn. Áhersla er lögð á að börnunum finnist gaman í Krakkalandi og að allir finni viðfangsefni við sitt hæfi og áhuga. Reynt er að koma til móts við óskir og athugasemdir barnanna með fjölbreyttum svæðum og tómstundastarfi.

Reglur í Krakkalandi endurspeglar þessi áherslur:

- Við erum öll vinir.
- **Við berum virðingu hvert fyrir öðru.**
- Við virðum skráningatöfluna og pössum okkur að færa enga miða nema okkar eigin.
- Við skráum okkur inn og út úr Krakkaland og pössum upp á að miðinn okkar sé alltaf á réttum stað.
- Við göngum inni og megum hlaupa úti.
- **Við erum bara á þeim svæðum sem við megum vera á, bæði inni og úti.**

Einelti

Krakkaland er hluti af skólastarfi Snælandsskóla. Skólinn er Olweusarskóli og vinnur margvisst gegn einelti. Krakkaland tekur þátt í öllum uppákomum tengdum áætluninni svo sem í Vinagöngu og öðrum uppbrotsdögum.

Í daglegu starfi er ýtt undir jákvæð samskipti milli barna, bæði í leik og í samræðum. Fylgst er með vinasamböndum barnanna og reynt að skoða allar hliðar máls þegar ágreiningur kemur upp. Eftir bestu getu er komið í veg fyrir einelti með því að styðja við jákvætt samband á milli barnanna og stuðla að því að öll börnin eignist vini.

Þegar tilkynning berst um grun um einelti er farið eftir Olweusar áætlun og unnið í málinu í samstarfi við bekkjakennara, námsráðgjafa, skólastjórn og aðra sem að málinu koma.

Þar að auki hefur Snælandsskóli tekið upp Vináttuverkefni Barnaheills sem hefur það markmiði að styrkja félagsfærni barna og vinatengsl þeirra á milli til að koma í veg fyrir einelti. Krakkaland á aðild að verkefninu í Snælandsskóla. Gæðastundin er oft notuð sem tími fyrir alls kyns vináttuverkefni.

Barnalýðræði

Starfsemi Krakkalands mótast í samvinnu milli barnanna, starfsfólksins og annarra aðila svo sem foreldra, kennara og íþróttafélaga. Hugmyndir barnanna um innra starfið í Krakkalandi eru ræddar og framkvæmdar eftir bestu getu. Svokallaður hugmyndakassi er alltaf uppi þar sem börnin geta alltaf skrifað hugmyndir sínar á blað og sett í kassann. Reglulega förum við í sameiningu yfir hugmyndirnar sem safnast hafa í kassann og reynum að framkvæma flottar og skemmtilegar hugmyndir.

Starfandi Barnaráð er í Krakkalandi sem fundar tvisvar í viku, 1. og 2. bekkur á þriðjudögum og 3. og 4. bekkur á fimmtudögum. Barnaráðið fer yfir hugmyndir úr hugmyndakassanum og á þessum fundum gefst börnunum einnig tækifæri á að láta skoðanir sínar í ljós er varðar frístundastarfið.

Samstarf við foreldra

Foreldrasamstarf er mikilvægur hluti af daglegu starfi í Krakkalandi og á sér stað bæði í gegnum óformleg samtöl í lok dags þegar foreldrar sækja börnin sín en einnig í gegnum tölvupóst, símtöl og facebook síðu sem forstöðufólk Krakkalands heldur utan um. Þar eru settar inn upplýsingar um daglegt starf og viðburði svo sem starfsdaga, uppbrotsdaga eða annað.

Starf Krakkalands er kynnt í Vorskóla fyrir foreldrar barna í verðandi 1. bekk og í byrjun hvers skólaárs í sömu viku og námskynningar eru. Þar að auki er foreldrum boðið í jólakaffi á föstudegi í desember ár hvert og á útihátíð í lok skólaárs, á föstudegi í lok maí eða byrjun júní. Á síðasta ári setti covid þó strik í reikninginn en á skólaárinu 2021-2022 leggjum við áherslu á að þróa samstarfið við foreldra markvisst áfram.

Öryggi og verkferlar

Verkferlar eru mikilvægir í daglegu starfi með börnum í Krakkalandi. Öllum starfsmönnum eru kynntir verkferlar reglulega og þeir yfirfarnir árlega.

1. Inn- og útskráning barna

Innskráning barna í 1. og 2. bekk fer fram þegar skóladegi þeirra lýkur milli 12:40 / 13:20 og 14:00. Þau eru sótt af starfsfólki Krakkalands í skólann og labba saman yfir í frístund. Innskráning barna úr 3. og 4. bekk fer fram í Fagralandi.

Útskráning barna er á hendi eins til tveggja starfsmanna. Þau halda utan um allar skráningar, aðstoða foreldra við að finna börnin og senda börn í rútur, á æfingar og heim.

2. Barn mætir ekki

Þegar barn úr 1.-4. bekk mætir ekki í Krakkaland er fyrst gengið úr skugga um að barnið hafi komið í skólann eða hvort skýring er á fjarveru þess. Ef engin skýring fæst er haft samband við foreldra og hafin leit.

3. Barn týnist

Þegar barnið týnist í Krakkalandi er hafin leit og gengið úr skugga um hvort barnið sé ennþá í skólabyggingunni eða á skólalóð. Starfsfólk frístundar skipta liði við leitina.

Ef leitin ber engan árangur er hringt í foreldra barnsins og athugað hvort barnið hafi farið heim, til fjölskyldumeðlims eða til vinar. Ef það skilar ekki árangri er hringt í lögreglu í samráði við foreldra.

4. Á ferð með börnum

Ferðir með börnum eru ekki hluti af daglegu starfi í Krakkalandi heldur eru það sérstakir viðburðir.

Öll börn eru klædd í gul endurskinsvesti í útiveru. Það eru alltaf a.m.k. 2 starfsmenn með hópinn nema um mjög lítinn hóp (<8 börn) sé að ræða. Þriðji starfsmaðurinn bætist við þegar hópurinn er stærri en 16 börn (lengri ferðir).

Börnin ganga í röð með einum starfsmanni fyrir framan hópinn og öðrum fyrir aftan. Þriðji starfsmaðurinn er staðsettur við hliðina á röðinni. Þegar komið er í öruggt umhverfi mega börn hreyfa sig frjálst.

Þegar gengið er yfir götu, skulu starfsmenn gæta þess að öll börnin nái að ganga yfir á sama tíma. Einungis er farið yfir götu á merktum gangbrautum og þurfa starfsmenn að gæta þess að börnin séu sýnileg öikumönnum.

5. Tórstundavagninn

Starfsfólk Krakkalands sendir börn í rútur á æfingar, óski foreldrar eftir því. Nauðsynlegt er að skrá tórstundir í Völuna og senda póst á forstöðukonu Krakkalands mariannag@kopavogur.is ef breytingar verða á tórstundum yfir veturinn. Ekki er nóg að barnið eitt viti að það eigi að taka rútú. Allar rútur stoppa við Fagralund.

Starfsmaður sem hefur það hlutverk að senda börn í rútú byrjar 15 mínútum fyrir brottför að safna þeim saman og senda af stað. Börnin skrá sig úr Krakkalandi og bíða eftir rútunni. Starfsmaður með nafnalista er við rútuna til að vera viss um að öll börnin hafi skilað sér.

Ef barn missir af rútunni er hringt um leið í foreldra og fundin lausn í samráði við þá.

6. Minniháttar meiðsl

Minniháttar meiðsl, svo sem lítil sár eru yfirleitt meðhöndluð með plástri og vatnssopa. Þegar um stærri óhöpp er að ræða, stór sár eða starfsmaðurinn er öruggur um alvarleika óhapps er barnið sent til skólahjúkrunarfræðings sem ákveður hvað best er að gera. Ef hún er ekki við, er hringt í foreldra og næstu skref tekin í samráði við þá.

7. Alvarleg slys

Hringt er á sjúkrabíl ef um alvarleg slys er að ræða. Mikilvægt er að einn starfsmaður sinni barninu og annar hefur samskipti við neyðarlínuna. Annað starfsfólk hlúir að og heldur ró hjá hinum börnunum.

8. Ofnæmiskast

Börn með bráðaofnæmi eiga að vera með ofnæmispenna, annað hvort í töskunni sinni eða í skáp í Krakkalandi. Ef barn fær alvarlegt ofnæmiskast, fær það sprautu og hringt er á sjúkrabíl um leið. Haft er samband við foreldra. Þegar um væg ofnæmisviðbrögð er að ræða er hringt í foreldra og ráðstafarnir gerðar í samráði við þá.

9. Rýmingaráætlun

Þegar brunabjallan hringir fylgja börn sem eru í Krakkalandi sömu reglunum og gilda í skólanum. Þá fer starfsfólk með þeim út um næstu útihurð og allir safnast saman á gervigrasi, mynda þar einfalda röð fyrir framan tölu síns árgangs.

Starfsfólk skiptir hlutverkum sín á milli til að yfirfara húsnæðið á stuttum tíma og koma örugglega öllum börnum úr húsi. Það fer eftir því á hvaða svæði þeir vinna hverju sinni:

Bruna- og rýmingaráætlun fyrir nýtt húsnæði Krakkalands í Fagralundi er í vinnslu.

Skráning: Starfsmaður sem sér um skráningu ber ábyrgð á því að öll börn séu rétt skráð. Hann tekur með sér skráningaripad og græna hendi á gervigras. Þar merkir hann við öll börnin svo að öruggt sé að ekkert barn vanti. Starfsmaður fer út með börnunum og lætur þau fara í röð eftir árgöngum.

Starfsmaður sem sendir í rútur: Starfsmaður sem sendir í rútur fer síðastur út úr Krakkalandi. Hann yfirfer öll rými og klósettin. Svo fer hann út til barnanna og starfsmanns sem annast skráningu og aðstoðar þar.

Sérsvæði (íþróttasalur, tölvustofa, o.sv.fr.): Starfsmenn á sérsvæðum láta börnin sín fara í röð og mæta með þeim út á gervigrasið.

Forstöðumaður: Forstöðumaðurinn hefur eftirlit, sérstaklega með þeim starfsmönnum sem eiga að yfirfara húsið og fylgst með því að þeir séu allir mættir á gervigrasið.

Innra og ytra mat

Innra mat

Hver frístund mótar kerfisbundið innra mat á árangri og gæðum starfsins. Innra mat skal vera samofið starfseminni og byggja á fjölbreyttum gögnum. Tekið skal mið af viðfangsefnum hverju sinni og mikilvægt að börn, foreldrar og starfsfólk taki þátt í matinu eftir því sem við á. Innra mat er umbótamiðað og birtist á heimasíðu skóla.

Á skipulagsdegi frístundar, 14. október, mun starfsfólk fara í vinnu við innra mat á starfseminni. Við munum fara yfir viðmið um hlutverk frístundaheimila sem Mennta- og menningarmálaráðuneytið gaf út og fara yfir það sem vel gengur og það sem mætti gera betur.

Umbótaáætlun

Á skólaárinu 2021-2022 ætlum við áfram að einbeita okkur að innleiðingu [Réttindaskólaverkefnisins Unicef](#) sem er um leið liður í virkjun á [Heimsmarkmiðum Sameinuðu þjóðanna](#). Við höldum áfram að þróa innihaldsríkt frístundastarf fyrir þann aldurshóp sem tekur mið að áhuga þeirra og gerir þeim kleift að taka virkan þátt í að hafa áhrif á starfið.

Við ætlum að fá foreldra í lið með okkur til að kenna börnunum að bera ábyrgð á skráningunni sinni og viljum um leið bæta samskipti okkar við foreldra, bæði með óformlegum samtölum í lok dags og með formlegum upplýsingum frá Krakkalandi.

Ytra mat

Kópavogsbær ber ábyrgð á ytra mati frístundaheimila. Matið skal vera umbótamiðað og á ábyrgð sveitarstjórn að tryggja að viðeigandi umbætur verði gerðar. Við matið er stuðst við margs konar gögn og birtast sem hér segir:

Tölulegar upplýsingar: Í október ár hvert er gefnar út lykiltölur í skólastarfi þar sem birtast meðal annars tölur um frístundastarf s.s. fjölda barna í frístundaheimilum.

Starfsáætlun: Starfsáætlun er skilað árlega inn til Menntaráðs. Menntaráð fer yfir áætlunina og metur hvort hún sé í anda stefnu bæjarins í málefnum frístundastarfs.

Viðhorfa kannanir: Annað hvert ár eru viðhorf foreldra til starfsins könnuð.

Úttækt á innra starfi: Fimmta hvert ár er fengin utanaðkomandi fagaðili til að taka út innra starf frístundaheimilisins og hópastarfs. Skoðað er hvort stefna og starfsáætlun birtist í starfinu og hvernig innra mat og umbótaáætlun í kjölfar þess er samofin starfseminni.

Úttækt á ytra umhverfi: Kópavogsbær ber ábyrgð að að taka reglulega út skólalóðir- og húsnæði.

Símenntunaráætlun

Endurmenntun starfsmanna á sér stað á skipulagsdögum. Á skólaárinu 2021-2022 leggjum við áherslu á að innleiða [Réttindaskólaverkefni Unicefs](#) með starfsfólki. Jákvæðum og uppbyggilegum samskiptum við börnin ásamt þróunarvinnum að fjölbreyttu og skemmtilegu hópastarfi.

Yfirlit yfir viðburði á skólaárinu

2021

9.-20. ágúst	Sumardvöl fyrir börn í 1.bekk, opið 8:00-16:00
24. ágúst	Skólasetningadagur, skipulagsdagur í Krakkalandi
14. október	Skipulagsdagur Snælandsskóla og Krakkalands
22. október	Foreldradagur, skertur skóladagur
25.-26.október	Vetraleyfi, Krakkaland lokað
18. nóvember	Skipulagsdagur Snælandsskóla, Krakkaland opið 8:00-16:00
20.desember	Jólaskemmtun, skertur skóladagur
21.-22. desember	Jólaleyfi í Snælandsskóla, Krakkaland opið 8:00-16:00 lágmarksfjöldi: 8 börn
27.-30. desember	Jólaleyfi, Krakkaland er opið 8:00- 16:00 lágmarksfjöldi: 8 börn

2022

3.janúar	Olweusardagur, skertur skóladagur
18.janúar	Skipulagsdagur, Krakkaland opið 8:00-17:00
4. febrúar	Foreldradagur, skertur skóladagur
16. febrúar	Öskudagur, skertur skóladagur
17. - 18.febrúar	Vetraleyfi, Krakkaland lokað
16. mars	Skipulagsdagur Snælandsskóla og Krakkalands
11.-13.apríl	Páskaleyfi, Krakkaland er opið ef lágmarksfjöldi næst: 8 börn
21. apríl	Sumardagurinn fyrsti, Krakkaland lokað
16. maí	Skipulagsdagur, Krakkaland opið 8:00-17:00
27.maí	Vorferðir Snælandsskóla, skertur skóladagur
3.júní	Vorleikar Snælandsskóla, skertur skóladagur
8. júní	Skólaslit, Krakkaland opið til kl.17:00
9.-10. júní	Krakkaland opið 8:00-17:00